



МОНГОЛ УЛСЫН ИХ ХУРЛЫН ДАРГА
ГОМБОЖАВЫН ЗАНДАНШАТАР
ТАНАА

МОНГОЛ УЛСЫН ИХ ХУРЛЫН ГИШҮҮН
Салдангийн ОДОНТУЯА

14201 Улаанбаатар хот, Сүхбаатар дүүрэг,
Жанжин Д.Сүхбаатарын талбай 1, Төрийн ордон,
Утас: 26-08-90, Факс: 32-70-16
E-mail: odontuyas@parliament.mn
http://www.parliament.mn

2022.03.23 № УИХЕ-03/2572

танай _____-ны № _____-т

Хуулийн төсөл өргөн мэдүүлэх тухай


Монгол Улсын Үндсэн Хуулийн Хорин зургадугаар зүйлийн 1 дэх хэсэг, Монгол Улсын Их Хурлын тухай хуулийн 8 дугаар зүйлийн 8.1.1 дэх заалтад заасан бүрэн эрхийнхээ дагуу Онцгой албан татварын тухай хуульд нэмэлт, өөрчлөлт оруулах тухай хуулийн төслийг, Улсын Их Хуралд өргөн мэдүүлж байна.

Улсын Их Хурлын чуулганы хуралдаанаар хэлэлцүүлж өгнө үү.

Хуулийн төслийн үзэл баримтлал, танилцуулга, хуулийн төслийг хавсаргав.

Хүндэтгэсэн,

УЛСЫН ИХ ХУРЛЫН
ГИШҮҮН



С.ОДОНТУЯА
Б.БАЯРСАЙХАН
Ц.ДАВААСҮРЭН
Т.ДОРЖХАНД
Б.ЖАРГАЛМАА
М.ОЮУНЧИМЭГ
Д.ӨНӨРБОЛОР
Б.ПҮРЭВДОРЖ
Д.САРАНГЭРЭЛ
Б.САРАНЧИМЭГ
Ж.ЧИНБҮРЭН



МОНГОЛ УЛСЫН ИХ ХУРЛЫН ГИШҮҮН
Салдангийн ОДОНТУЯА

14201 Улаанбаатар хот, Сүхбаатар дүүрэг,
Жанжин Д.Сүхбаатарын талбай 1, Төрийн ордон,
Утас: 26-08-90, Факс: 32-70-16
E-mail: odontuyas@parliament.mn
<http://www.parliament.mn>

2022.02.14 № УИХ-03/1275
танай _____-ны № _____-т

Тов тогтоолгох тухай

Монгол Улсын Үндсэн хуулийн 26 дугаар зүйлийн 1 дэх хэсэг, Монгол Улсын Их Хурлын тухай хуулийн 8 дугаар зүйлийн 8.1.1 дэх заалт, Хууль тогтоомжийн тухай хуулийн 5 дугаар зүйлийн 5.1 дэх хэсэгт заасан бүрэн эрхийнхээ дагуу “Онцгой албан татварын тухай хуульд нэмэлт өөрчлөлт оруулах тухай” хуулийн төслийг боловсруулсаныг хянан үзэж, Улсын Их Хуралд өргөн мэдүүлэх тов тогтоож өгнө үү.

Хавсралт ~~67~~ хуудастай

УЛСЫН ИХ ХУРЛЫН
ГИШҮҮН



С.ОДОНТУЯА

0000005



МОНГОЛ УЛС
ЗАСГИЙН ГАЗРЫН ХЭРЭГ ЭРХЛЭХ ГАЗАР

20 ^{дд} он ^{дд} дугаар
сарын ^{дд}-ны өдөр

Дугаар ... ^{дд}/_{дд}

Улаанбаатар-12
Утас: 260817
Факс: 976-11-310011

УЛСЫН ИХ ХУРЛЫН ГИШҮҮН С.ОДОНТУЯА
ТАНАА

Хуралдааны тэмдэглэл
хүргүүлэх тухай

Таны санаачлан боловсруулж, Монгол Улсын Засгийн газрын санал, дүгнэлт авахаар ирүүлсэн Онцгой албан татварын тухай хуульд нэмэлт, өөрчлөлт оруулах тухай хуулийн төслийг Засгийн газрын хуралдаанаар хэлэлцсэн тэмдэглэлийг үүгээр хүргүүлж байна.

Монгол Улсын сайд,
Засгийн газрын Хэрэг
эрхлэх газрын дарга



Ц.НЯМДОРЖ

000225001032

МОНГОЛ УЛСЫН ЗАСГИЙН ГАЗРЫН ХУРАЛДААНЫ ТЭМДЭГЛЭЛЭЭС

ХУУЛЬ ЗҮЙ, ДОТООД ХЭРГИЙН ЯАМАНД

Монгол Улсын Засгийн газрын 2022 оны 1 дүгээр сарын 19-ний өдрийн хуралдааны 5 дугаар тэмдэглэлд:

“ҮИИ.ХЭЛЭЛЦСЭН нь: Улсын Их Хурлын гишүүн С.Одонтуяагийн санаачлан боловсруулсан Онцгой албан татварын тухай хуульд нэмэлт, өөрчлөлт оруулах тухай хуулийн төсөл

ШИЙДВЭРЛЭСЭН нь: Улсын Их Хурлын гишүүн С.Одонтуяагийн санаачлан боловсруулсан Онцгой албан татварын тухай хуульд нэмэлт, өөрчлөлт оруулах тухай хуулийн төслийг хэлэлцээд дараахь саналыг хууль санаачлагчдад уламжлахаар тогтов:

1. Хуулийн төслийн танилцуулгад чихрийн агууламж орсон хийжүүлсэн болон хийжүүлээгүй амтат ус, ундаа зэрэг бүтээгдэхүүн нь сургуулийн сурагчдын илүүдэл жин, таргалалт үүсгэх хүчин зүйл болж байгаа талаар, түүнчлэн дээрх төрлийн бүтээгдэхүүн нь хүн амын таргалалт, илүүдэл жин үүсэх суурь нөхцөл болж, эрүүл мэндэд хор уршиг учруулж байгаа талаар дурджээ.

Эдгээр сөрөг үр дагаврын талаар холбогдох эрх бүхий байгууллагаас гаргасан дүгнэлт, тоон болон бусад баримт мэдээлэл, судалгаа нь хуулийн төслийн танилцуулга, хуулийн төслийн хэрэгцээ, шаардлагыг урьдчилан тандсан судалгаанд тусгагдаагүй байгааг анхаарах нь зүйтэй бөгөөд дээрх төрлийн бүтээгдэхүүнд татвар ногдуулснаар нийгэм, эдийн засагт үзүүлэх нөлөөллийн судалгааг хийлгэх шаардлагатай;

2. Дэлхий нийтийг хамарсан цар тахлын дараахь эдийн засгийн сэргэлтийн арга хэмжээг Засгийн газраас авч хэрэгжүүлж байгаа энэ цаг үед дээрх хуулийн төсөл нь дотоодын үйлдвэрлэгч, худалдаа, үйлчилгээ эрхлэгчдэд татварын дарамт, зарим аж ахуйн нэгжийн үйл ажиллагаанд хүндрэл үүсгэж болзошгүй байна;

3. Түүнчлэн, дотоодын үйлдвэрлэлийн болон импортоор оруулж ирж байгаа хүнсний бүтээгдэхүүний эрүүл ахуйн шаардлага болон тэдгээрт тавих хяналтын талаар холбогдох хуульд дараахь байдлаар зохицуулсан байна:

3.1. Эрүүл ахуйн тухай хуулийн 8.2-т хүний эрүүл мэндэд сөргөөр нөлөөлж болзошгүй, өндөр эрсдэлтэй мал, амьтны гаралтайгаас бусад түүхий эд, бараа бүтээгдэхүүн, бодис, бэлдмэлийг экспортлох, импортлоход холбогдох хяналтын байгууллагаар эрүүл ахуйн дүгнэлт гаргуулахаар;


3.2. Хүнсний бүтээгдэхүүний аюулгүй байдлыг хангах тухай хуулийн 15.1-д хяналтын байгууллагын дэргэд хүнсний түүхий эд, бүтээгдэхүүний аюулгүйн үзүүлэлтийн талаарх лабораторийн шинжилгээний мэдээллийн нэгдсэн санг

удирдах, 15.3-т лабораториудын үйл ажиллагааг уялдуулан зохицуулах чиг үүрэг бүхий Үндэсний лавлагаа лаборатори ажиллахаар заасан бөгөөд мөн зүйлийн 15.2.1-д зааснаар тус лаборатори нь хүнсний түүхий эд, бүтээгдэхүүний аюулгүй байдалд тандалт судалгаа, үнэлгээ, шинжилгээ хийж, дүгнэлт, зөвлөмжийг холбогдох төрийн байгууллагад тухай бүрт хүргүүлэх чиг үүргийг хэрэгжүүлж байна;

3.3. эрүүл ахуйн шаардлага хангаагүй, хүний эрүүл мэндэд хор уршиг учруулж болзошгүй хүнсний бүтээгдэхүүн зориуд худалдсан, импортлоход холбогдох хяналтын байгууллагаар эрүүл ахуйн дүгнэлт гаргуулаагүй үйлдэлд Эрүүгийн болон Зөрчлийн тухай хуульд зааснаар оногдуулах хариуцлагыг тус тус хуульчилсан байна.

Иймд сургуулийн орчинд зарагдаж байгаа чихрийн агууламж орсон хийжүүлсэн болон хийжүүлээгүй амтат ус, ундаа зэрэг бүтээгдэхүүнийг худалдаалах, дотооддоо үйлдвэрлэх, импортоор оруулж ирэх болон түүнтэй холбоотойгоор үүсэж болзошгүй сөрөг үр дагаврыг татвар ногдуулах замаар бус харин дээр дурдсан хууль болон холбогдох бусад хууль тогтоомжийн хэрэгжилтийг ханган ажилласны үндсэн дээр асуудлыг зохицуулах боломжтой гэж үзэж байна;

4. Хуулийн төслийн зүйл, заалтын агуулга болон хууль зүйн техник, найруулгыг дахин нягталж, Хууль тогтоомжийн тухай хуулийн 29, 30 дугаар зүйлд заасан хуулийн төслийн эх бичвэрийн агуулга, хэл зүй, найруулгад тавигдах шаардлагад нийцүүлэн боловсруулах нь зүйтэй.” гэжээ.



ЗАСГИЙН ГАЗРЫН ХЭРЭГ ЭРХЛЭХ ГАЗАР